



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-164-4/21**

Datum: **05.08.2021. god**

«Agencija za vodno područje rijeke Save» Sarajevo rješavajući po zahtjevu pravnog lica, Company «JUSUF-BEJ» d.o.o. Visoko, za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta objekta za preradu mesa i izradu suhomesnatih proizvoda u naselju Koložići, grad Visoko, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Pravnom licu, Company «JUSUF-BEJ» d.o.o. Visoko, daje se vodna dozvola za ispuštanje tehnoloških otpadnih voda u prirodni recipijent sa lokaliteta objekta za preradu mesa i izradu suhomesnatih proizvoda izgrađenog u naselju Koložići na zemljištu označenom kao k.č. broj 734 K.O. Koložići, grad Visoko.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da korisnik predmetnog objekta, za vrijeme trajanja ove dozvole, obezbjeđuje da se tehnološke otpadne vode nastale u postupku prerade mesa, pranja opreme, uređaja i pribora, pranja podova i radnih površina nesmetano sakupljaju i odvođe na tretman u septičku jamu sa prelivom u potok.
 - 2.3. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.4. Objekte čija je svrha odvođenje i prečišćavanje tehnoloških otpadnih voda (slivnici, slivne rešetke, septička jama, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 2.5. Čišćenje i odvoz taloga iz septičke jame može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o praznjenju i odvozu taloga iz septičke jame.
 - 2.6. Da se prakticira suho čišćenje podova i opreme prije pranja vodom kako bi se uklonile organske nečistoće sa radnih površina, trošilo manje vode za pranje i smanjilo zagađenje.
 - 2.7. Da se animalni/klaonički otpad koji nastaje u procesu obrade mesa redovno odstranjuje iz proizvodnog procesa, odlaže u kontejnere propisane za tu vrstu otpada i u saradnji sa ovlaštenom institucijom odvozi i zbrinjava u skladu sa važećim propisima a prema ugovoru sklopljenom sa istom.
 - 2.8. Talog iz septičke jame, otpad nastao u postupku prerade mesa te ostali opasni i neopasni otpad, se ne smiju ni privremeno odlagati na česticu «vodno dobro» odnosno u vodotoke i na njegove obale.
 - 2.9. Vlasnik, odnosno korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 2.10. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati

- referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 2.11. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije.
 - 2.12. U skladu sa propisima iz oblasti zaštite okoliša vršiti bezbjedno skladištenje i postupanje sa čvrstim opasnim i neopasnim otpadom nastalim na predmetnom lokalitetu (adekvatnim mjerama onemogućiti bilo kakvo istjecanje i rasipanje otpadnih materija u tlo i vode).
 - 2.13. Vlasnik odnosno korisnik objekta je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, Korisnik je dužan provoditi sve mjere i aktivnosti propisane istom.
 5. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
 7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 8. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
 9. U ovoj upravnoj stvari plaćene su sve upravne takse.
 10. Ova vodna dozvola, shodno članu 117. stav (1) i članu 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, Company «JUSUF-BEJ» d.o.o. Visoko, dana 19.04.2021. godine, podnio je zahtjev za izdavanje vodne dozvole za ispuštanje tehnoloških otpadnih voda u prirodni recipijent sa lokaliteta objekta za preradu mesa i izradu suhomesnatih proizvoda izgrađenog u naselju Koložići na zemljištu označenom kao k.č. broj 734 K.O. Koložići, grad Visoko.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o registraciji broj: 043-0-Reg-11-000937 izdatog dana 22.08.2011. godine od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 24.08.2011. godine od strane Porezne uprave - Kantonalni ured Zenica,
- Kopija Uvjerenja o registraciji/upisu u Jedinstveni registar obveznika indirektnih poreza broj: 04/1-UPP/1-7656/07 izdatog dana 01.08.2007. godine od strane Uprave za indirektno-neizravno oporezivanje Banja Luka,
- Kopija Rješenja o vodnoj dozvoli broj: UP-I/25-3-40-697-4/15 izdatog dana 10.03.2016. godine od strane «Agencije za vodno područje rijeke Save» Sarajevo,

- Kopija Rješenja o ispunjavanju propisanih veterinarsko-zdravstvenih uslova broj: 05-24-9379-2/19 izdatog dana 22.10.2019. godine od strane Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Rješenja o odobrenju za gradnju proizvodnog objekta za preradu mesa broj: 03/1-23-3-127/09 izdatog dana 01.09.2009. godine od strane Službe za prostorno uređenje, imovinsko-pravne, geodetske, stambeno-komunalne poslove i zaštitu okoline Općina Visoko,
- Kopija Rješenja o odobrenju za upotrebu izgrađenog proizvodnog objekta za preradu mesa broj: 03/1-23-4-40/09 izdatog dana 24.02.2010. godine od strane Službe za prostorno uređenje, imovinsko-pravne, geodetske, stambeno-komunalne poslove i zaštitu okoline Općina Visoko,
- Glavni projekat proizvodnog objekta za preradu mesa u naselju Kolozići-Visoko urađen od strane «AMG» d.o.o. Visoko (šifra: 01-02-IP/08, oktobar 2008. godine) - na uvid,
- Kopija Izvještaja o monitoringu kvaliteta i kvantiteta otpadnih voda iz pogona za preradu mesa Company «JUSUF-BEJ» d.o.o. Visoko urađenog od strane «INSPEKT-RGH» d.o.o. Sarajevo, mart 2021. godine (broj: 416/21),
- Kopija Ugovora o izvođenju radova na čišćenju septičke jame i odvozu otpadnog mulja i taloga broj: 197/19-DS od 11.02.2019. godine zaključenog sa «DELTA PETROL» d.o.o. Kakanj,
- Kopija računa broj: 35000907 od 15.03.2021. godine o čišćenju septika izdatog od strane «DELTA PETROL» d.o.o. Kakanj,
- Dokaz o uplaćenju upravnoj i administrativnoj taksi.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata izvršen je obilazak predmetnog objekta i tom prilikom je sačinjen Zapisnik o uviđaju broj: UP-I/25-3-40-164-3/21 od 04.08.2021. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni objekat namjene – prerada mesa i proizvodnja suhomesnatih proizvoda je izgrađen u naselju Kolozići, grad Visoko. Za potrebe prerade i proizvodnje suhomesnatih proizvoda se kupuje svježe otkošteno meso. U objektu se proizvodi suha goveđa pečenica i slični proizvodi. Kapacitet proizvodnje je oko 15tona/mjesečno gotovih proizvoda. U sklopu predmetnog objekta se ne vrši klanje stoke.
- Za predmetni objekat je od strane ove Agencije dana 10.03.2016. godine izdato Rješenje o vodnoj dozvoli broj: UP-I/25-3-40-697-4/15.
- Otpadne vode nastale u postupku prerade mesa i proizvodnje mesnih proizvoda, pranja opreme, uređaja i pribora, pranja podova i radnih površina se prikupljaju zasebnim sistemom kanalizacije i odvođe na tretman u septičku jamu. Preliv iz septičke jame je u obližnji potok Jabučje.
- Pranje podova, opreme i alata se praktikuje toplom vodom uz upotrebu deterdženata.
- Snabdijevanje vodom je obezbijeđeno putem priključka na mjesnu vodovodnu mrežu a prikupljene sanitarno fekalne vode iz toaleta za uposlene se ispuštaju u mjesnu kanalizaciju.
- Monitoring otpadnih voda se vrši redovno. Uvidom u dostavljeni Izvještaj o monitoringu urađen od strane «Inspekt-RGH» d.o.o. Sarajevo, mart 2021. godine nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u okoliš i sisteme javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i člana 13. Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, Company «JUSUF-BEJ» d.o.o. Visoko, ispunio minimum uslova za izdavanje vodne dozvole za ispuštanje tehnoloških otpadnih voda u prirodni recipijent sa lokaliteta objekta za preradu mesa i izradu suhomesnatih proizvoda u naselju Kolozići, grad Visoko te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-I/25-3-40-164-2/21 od 07.05.2021. godine.

Podnosilac zahtjeva je uplatio upravnu i administrativnu taksu u iznosu od 70 plus 3 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 08/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju:
Rukovodilac sektora za izdavanje vodnih akata


Haris Alisehović, dipl.ing.građ.

Dostaviti:

- Company «JUSUF-BEJ» d.o.o. Visoko
Prijeko bb 71300 Visoko
- AVP Sava, ISV - Vodna knjiga
- Sektor 50
- Sektor 40 – arhiva
- ☉ Oglasna ploča – AVP Sava